

## D.2.U. 365 INDISCUTIBLEMENTE BRASSBAND DI AÑA 1996...

\*\* Desde comienso di carnaval, DEN AMBIENTE tabata sigui movecionnan di D2U 365 hopi di cerca ya cu hopi hende tabata comenta nan forma hopi profesional di presentacion.

DEN AMBIENTE kier a comproba esaki pa su mes y mester bisa cu enberdad D2U 365 a sorprende tur hende cu nan repertorio hopi varia y nan forma unico di toca.

Loke a capta hopi atencion ta e forma hopi profesional di presenta esta cu headphone y microfono pa asina comunica cu otro.

Ta di aprecia cu D2U 365 cada vez ta bin cu inovacionnan den brassband cu ta contribui na adelanto di e musica asambeho.

Ta di aplaudi tambe cu D2U 365 a coopera cu diferente instancianan caritativo.

Hopi hende a comente cu D.2.U. 365 su repertorio ta extenso y harmonico. Cada uno di nan integrantenan ta maestro riba nan instrumento y tambe e brass-section ta consisti di e mihornan di Aruba. Na momento cu D.2.U. 365 pasa durante e parada, por sinti e diferencia.

Loke tambe DEN AMBIENTE a tuma nota despues di a haya e comentario aki, ta e hecho cu otro brassbandnan ta tumando D.2.U. 365 como ehemplo, ya cu den diferente aspectonan ta purbando di haci igual na e creatividad di D.2.U. 365.

DEN AMBIENTE ta spera cu otro aña D.2.U. 365 lo haya mucho mas competencia pasobra competencia sano ta contribui na mehora nan ritmo asambeho mas y mas.

DEN AMBIENTE tin etendi cu e aña aki atrobe,

D2U 365 lo bay representa Aruba den exterior y no tin duda cu nan lo bolbe causa un impacto enorme promoviendo Aruba como destinacion turistico y nos ritmo asambeho cu a

pega manera un bals.

Como ehempel nos tin e grato recuerdonan tanto na Sint Maarten durante celebracion di carnaval como na Miami durante e tan gaba celebracion di Aruba Day.

DEN AMBIENTE ta felicita D2U 365 cu nan merecido titulo di Brassband di Aña y ta desea nan tur clase di exito cu nan presentacionnan. "Guys, keep up the good work!!" ...!

## DEN AMBIENTE




\*\* D2U 365 den pleno presentacion durante e gran parada di Oranjestad...



\*\* E potente brass-section di D2U 365 Brassband durante e gran parada...



\*\* RECORDAR ES VIVIR...D2U 365 Brassband riba e mundialmente famoso MIAMI BEACH na aña 1995, na ocasion di celebracion ARUBA DAY, na unda nan a causa un impacto sin presedente...



\*\* RECORDAR ES VIVIR...D2U 365 Brassband prome cu salida pa e gran parada di carnaval na Sint Maarten aña 1995...